

海野詞一卷

曾覲

# 海野詞

## 目錄

水龍吟一調  
傾杯樂一調  
醉蓬萊一調  
沁園春一調  
傳言玉女一調  
春光好三調  
浣溪沙四調  
轉調踏莎行一調  
隔浦蓮一調  
感皇恩一調  
定風波四調  
鵲橋仙一調  
虞美人一調  
南柯子四調  
踏莎行一調

念奴嬌四調  
木蘭花慢一調  
滿庭芳一調  
喜遷鶯一調  
好事近三調  
減字木蘭花一調  
敘頭鳳一調  
眼兒嬌二調  
浪淘沙一調  
阮郎歸一調  
南鄉子一調  
清平樂一調  
採桑子一調  
玉樓春一調  
生查子一調

瑞鶴仙一調  
水調歌頭三調  
燕山亭二調  
金人捧露盤一調  
柳梢青三調  
點絳脣二調  
訴衷情四調  
蝶戀花二調  
蕩山溪二調  
鷓鴣天四調  
憶秦娥五調  
長相思一調  
朝中措八調  
江神子一調  
青玉案一調

宋六十名家詞

二

菩薩蠻二調

西江月三調

繡帶兒一調

卜算子一調

柳梢青三調

醉落魄一調

鷓鴣仙一調

清平樂一調

訴衷情一調

浣溪沙一調

壺中天慢一調

# 海野詞

宋 曾覲

水龍吟

楚天千里無雲。露華洗出秋容淨。銀蟾臺榭。玉壺天地。參差桂影。鴛瓦寒生。畫簷先射。碧梧金井。聽韶華。半夜江梅三弄。風嫋嫋。良宵永。攜手西園宴罷。下瑤臺。醉魂初醒。吹簫仙子。驂鸞歸路。一襟清興。鳩鵲樓高。建章門迥。星河耿耿。看滄江潮上。丹楓葉落。浸關山冷。

念奴嬌

霽天湛碧。正新涼。風露冰壺清徹。河漢無聲。□□□。湧出銀蟾孤絕。巖桂香飄。井梧影轉。冷浸宮袍潔。西廂往事。一簾幽夢。淒切。腸斷楚峽雲歸。尊前無緒。只有愁如髮。此夕姮娥應也恨。冷落瓊樓金闕。禁漏迢迢。邊鴻杳杳。密意憑誰說。闌干星漢。落梅三弄。初闕。

又(席上賦林檎花)

羣花漸老。向曉來微雨。芳心初拆。拂掠嬌紅。香旖旎。渾欲不勝春色。淡月梨花。新晴繁杏。裝點成標格。風光都在。半開深院。人寂。剛要買。斷東風。裊藥枝低。映舞茵歌席。記得當時曾共賞。玉人纖手。輕摘醉裏妖嬈。醒時風韻。比並堪端的。誰知憔悴。對花空恁思憶。

又(貧芍藥)

人生行樂算一春歡賞都來幾日。綠暗紅稀春已去。贏得星星頭白。醉裏狂歌。花前起舞。拚罰金杯百。淋漓宮錦。忍辜妖豔姿色。須信殿得韶光。祗愁花謝。又作經年別。嫩紫嬌紅還解語。應爲主人留客。月落烏啼。酒闌燭暗。離緒傷吳越。竹西歌吹。不堪老去重憶。

又（余年十八寓符離臨行作此詞）

媚容素態。比羣花贏了。風流顏色。昵枕低幃銷受得。□□輕憐深惜。怎望如今。瓶沈簪折。蕤地成疎隔。□□夕雨。甚時重見蹤跡。門外暫泊蘭舟。一行霜樹。□一重山碧。淚眼相看爭忍望。天際孤村寒驛。泫水無情。催人東去。去也添愁寂。鴻鱗方便。爲人傳箇消息。

瑞鶴仙

陡寒生翠幕。凍雲垂。繽紛飛雪初落。縈風度池閣。嬾餘妍時。趁舞腰纖弱。江天漠漠。認殘梅吹散。畫角正貂裘乍怯。黃昏院宇。入簷飄泊。依約。銀河迢遞。種玉羣仙共。騁鸞鶴。東君未覺。先春綻萬花萼。向尊前已喜。豐年呈瑞。人間何事。最樂。擁笙歌。繡閣低帷縱。歡細酌。

傾杯樂（仙呂·席上賞雪）

錦帳寒添畫簷雀噪。凍雲布野。望空際瑤峯微吐。瓊花初綻。江山如畫。裁冰翦水裝鴛瓦。香旗亭路。依稀管絃臺榭。倚小樓佳興。一行珠簾不下。隨縷板歌聲閒暇。傍翠袖雲鬟憐豔冶。似佯醉不耐嬌羞。濃歡旋學風雅。向暝色雙鸞舞罷。紅獸暖春生金罍。但殢飲。香霧捲壺天不夜。

木蘭花慢（長樂臺晚望偶成）

正枝頭荔子。晚紅皺。裊薰風對碧瓦迷雲。青山似浪。返照浮空。高臺稱吟眺處。繁華清勝兩兩無窮。簾捲榕陰暮合。萬家香霭溟濛。年光冉冉。逐飛鴻。嘆雨跡雲蹤。漸暑退。蘭房涼生。象簾知與誰同。臨鸞晚妝初罷。怨清宵好夢。不相逢。看卽天涯秋也。恨隨一葉梧桐。

水調歌頭（書懷）

溪山多勝事。詩酒辦清游。主人爲我增葺。臺榭足凝眸。髣髴玉壺天地。隱見瀛洲。風月千首傲王侯。誰與共登眺。公子氣橫秋。記當年。曾共醉。庾公樓。一杯此際重話。前事逐東流。多謝兼金清唱。更擬重陽佳節。授菊任扶頭。但願身長健。浮世拚悠悠。

又

圖畫上麟閣。莫使鬢先秋。壯年豪氣無奈。黯黯陣雲浮。常記青油幕下。一矢聊城飛去。談笑靜邊頭。勳業出無意。非爲快恩讎。卷龍輅。隨鳳詔。與時謀。朱旛皂蓋南下。聊試海山州。邂逅故人相見。俯仰浮生今古。螻蟻共王侯。萬事偶然耳。風月恣嬉遊。

又（和南劍薛倅）

長樂富山水。杖屨足追遊。故人千里西望。雙劍黯迴眸。多謝扁舟乘興。慰我天涯羈思。何必羨封侯。暮雨疏簾捲。爽氣颯如秋。送征鴻。浮大白。倚危樓。參橫月落耿耿。河漢近人流。堪嘆人

生離合。後日征鞍西去。別語却從頭。老矣江邊路。清興漫悠悠。

醉蓬萊（侍宴德壽宮應制賦假山）

向逍遙物外。造化工夫。做成幽致。杳靄壺天。映滿空蒼翠。聳秀峯巒。媚春花木。對玉階金砌。方丈瀛洲。非煙非霧。恍移平地。況值良辰。宴遊時候。日永風和。暮春天氣。金母龜臺。傍碧桃陰裏。地久天長。父堯子舜。燦綺羅佳會。一部仙韶。九重鸞仗。年年同醉。

滿庭芳（賞牡丹）

冶態輕盈。香風搖蕩。畫闌淑景初長。彩霞深處。明豔奪昭陽。試問沈香舊事。應勸我莫負韶光。多情是。低徊顧影。雲幕淡微涼。人間春更好。一枝斜插。猶記疎狂。到如今。潘鬢暗點。吳霜。樂事直須年少。何妨拚一醉千觴。醺醺醉。壺天向晚。春思正悠揚。

燕山亭（中秋諸王席上作）

河漢風清。庭戶夜涼。皓月澄秋時候。冰鑑乍開。跨海飛來。光掩滿天星斗。四捲珠簾。漸移影寶階。鴛鴦還又看。歲歲嬋娟。向人依舊。朱邸高宴。簪纓正歌吹。瑤臺舞翻宮袖。銀管競酬。棣萼相輝。風流古來誰有。玉笛橫空。更聽徹霓裳三奏。難偶。拚醉倒參橫曉漏。

又（楊廉訪生日）

玉立明光。才業冠倫。漢曆方承休運。江左奏功。塞壘宣威。紫綬幾垂金印。歲晚歸來。望丹極新

清氛稔忠憤著。撓節朋儔。便成嘉遯。千載雲海茫茫。記舉目新亭。壯懷難盡。蝴蝶夢驚。化鶴飛還。榮華等閑一瞬。七十尊前。算疇昔都無可恨。休問長占取朱顏綠鬢。

沁園春（初冬夜坐聞淮上搥音次韻）

更漏迢迢。乍寒天氣。畫燭對牀。正并梧飄砌。邊鴻度月。故人何處。水遠山長。老去功名。年來情緒。寬盡寒衣銷舊香。除非是。仗蠻牋象管。時伴吟窗。詞章莫話行藏。且喜見捷書來帝鄉。看銳師雲合。妖氛電掃。隋隄宮柳。依舊成行。夢繞他年。青門紫陌。對酒花前。歌正。空成恨。奈潘郎兩鬢。新點吳霜。

喜遷鶯（福唐平蕩海寇宴犒將士席上作）

七閩形勝。鎮南紀會府。山川交映。簫鼓喧天。綺羅盈市。不負四時風景。共喜太平無事。豈料潢池不逞。殄羣醜。看一鼓雷奔。滄溟波靜。指縱詩書帥。曾到鳳池。密勿陪幾政。暫淹籌幃。催分戰艦。總出智謀先定。想見捷書初上。盡道臣賢主聖。正圖舊聽重宣丹詔。歸調金鼎。

金人捧露盤（庚寅歲春奉使過京師感懷作）

記神京繁華地。舊遊蹤。正御溝。春水溶溶。平康巷陌。繡鞍金勒。躍青驄。解衣沽酒。醉絃管。柳綠花紅。到如今。餘霜鬢。嗟前事。夢魂中。但寒煙滿目。飛蓬雕闌。玉砌空餘三十六離宮。塞笳驚起暮天雁。寂寞東風。

傳言玉女

鳳闕龍樓清夜月華初照。萬點星毬。護花梢寒峭。華胥夢裏老去歡情終少。花愁醉悶。總消除  
了。紫陌嬉遊不似少年懷抱。珠簾十里。聽笙簫聲杳。幽期密約。暗想淺顰輕笑。良時莫負。玉  
山頻倒。

好事近（仰寶聖製）

搖颺杏花風。遲日淡陰雙闕。絲管緩隨檀板。看舞腰迴雪。龍舟閑艤畫橋邊。須趁好花折。頻  
勸御杯宜滿。正清歌初闕。

又（嚴陵柳守席上）

一夢別長安。山路雨斜風細。行到子陵灘畔。謝主人深意。多情低唱下梁塵。拚十分沈醉。去  
也爲伊消瘦。悄不禁思憶。

又

霽雪好風光。恰是相逢時節。酒量不禁頻勸。便醉倒人側。嚴城更漏夜厭厭。應有斷腸客。莫  
問落梅三弄。喜一枝曾折。

柳梢青（待宴禁中賀張知閣應制作）

梅粉輕勻。和風布暖。芳徑無塵。鳳閣凌虛。龍池澄碧。芳意鱗鱗。清時酒聖花神。對內苑風光。

又新。一部仙韶。九重鸞仗。天上長春。

又（臨安賽會泛舟湖中胡帥索詞因賦）

花柳爭春。湖上競秀。恰近清明。綺席從容。蘭舟搖曳。穩泛波平。君恩許宴簪纓。密座促仍多。故情一部清音。兩行紅粉。醉入嚴城。

又（山林堂席上以主人之意解嘲）

品雅風流。端端正正。堪人憐惜。因甚新來。眉兒不展。愁情如織。倡條冶葉。無情猶爲他千思萬憶。據恁當初。真心實意。如何虧得。

春光好（侍宴苑中賞杏花）

胭脂賦。粉光輕。正新晴。枝上鬧紅無處著。近清明。仙娥進酒多情。向花下。相鬧盈盈。不惜十分傾玉斝。惜凋零。

又（感舊）

心下事。不思量。自難忘。花底夢迴春漠漠。恨偏長。閑日多少韶光。雕闌靜。芳草池塘。風急落紅留不住。又斜陽。

又

槐陰密。蕉漿寒。荔枝丹。珍重主人憐客意。薦雕盤。多情翠袖凭闌。晚妝罷。誰與共歡。簾捲玉。

鉤風細細。斂眉山。

減字木蘭花（席上賞宴賜牡丹之作）

一聲杜宇。滿地落紅愁不語。國色春嬌。不逐風前柳絮飄。  
珠簾休捲。愛惜龍香藏粉豔。勝友  
俱來同醉。君恩倒玉杯。

點絳脣（慶卽席上）

璧月香風。萬家簾幕烟如畫。鬧蛾雪柳。人似梅花瘦。  
行樂清時。莫惜笙歌奏。更闌後。滿斟金  
斗。且醉厭厭酒。

又

細雨斜風。上元燈火還空過。下簾孤坐。老去知因果。  
風月詞情。冷落教誰和。今忘我。靜中看  
破。萬事空花墮。

浣溪沙（奉詔次韻張池州賞杏聽琵琶）

豔杏紅芳透粉肌。沈香亭宴太真妃。新晴庭館燕來遲。  
試抹幺絃妝半掩。滿斟綠醕袖交飛。  
九重天上捧金卮。

又（鄭相席上贈舞者）

元是昭陽宮裏人。驚鴻宛轉掌中身。只疑飛過洞庭雲。  
按徹涼州蓮步緊。好花風。裊一枝新。

畫堂香暖不勝春。

又

綺陌尋芳惜少年。長楸走馬著金鞭。玉樓春醉杏花前。憔悴如今誰作伴。別離還近養花天。碧雲凝處憶嬋娟。

又

一扇薰風入座涼。輕雲微雨弄晴光。綠團梅子未成黃。漸近日長愁悶處。更堪羈旅送歸腸。亂山重疊水茫茫。

釵頭鳳 向誤作清商怨

華燈鬧。銀蟬照。萬家羅幕香風透。金尊側。花顏色。醉裏人人。向人情極惜惜惜。春寒峭。腰肢小。鬢雲斜。鞦鵒兒。鼻清宵寂。香閨隔。好夢難尋。雨蹤雲跡。憶憶憶。

訴衷情 夜直殿廡晚歸因作。花庵作宮怨。

建章宮殿晚生寒。飛雪點朱闌。舞腰緩隨檀板。輕絮殢春閑。愁思亂。酒腸慳。漏將殘。玉人今夜。滴粉搓酥。應斂眉山。

又 趙德夫還延平因語舊遊作此以贈之。

半鈎珠箔小揚州。春色在重樓。曾醉玳筵歌舞。楚夢苦難留。情脈脈。恨悠悠。幾時休。大都人

世會少離多。總是閑愁。

又

晚妝初試蕊珠宮。步異香濃。檀槽緩垂鸞帶。纖指撚春蔥。鶯語巧。上林中。正嬌慵。暫教花下。簾影微開。多謝東風。

又（史丞相宴曲水席上作）

蘭亭曲水擅風流。移宴向清秋。黃花未應憔悴。盡面尙堪浮。圍豔質。發歌喉。細相酬。明年此會。主人還是在。鳳池頭。

轉調踏莎行

翠幄成陰。誰家簾幕。綺羅香擁處。觥籌錯。清和將近。春寒更薄。高歌看缺缺。梁塵落。好景良辰。人生行樂。金杯無奈是。苦相虐。殘紅飛盡。垂楊輕弱。來歲斷不負。鶯花約。

眼兒媚（國思）

花近清明晚風寒。錦幄獸香殘。醺醺醉裏。匆匆相見。重聽哀彈。春情入指鶯聲碎。危柱不勝絃。十分得意。一場輕夢。淡月闌干。

又

重勸離觴淚相看。寂寞上征鞍。臨行欲話。風流心事。萬緒千端。春光漫漫人千里。歸夢繞長

安不堪向晚。孤城吹角。回首關山。

蝶戀花（惜春）

翠箔垂雲香噴霧。年多疎狂。載酒尋芳路。多少惜花春意緒。勸人金盞歌金縷。桃杏飄零風  
景暮。只有閑愁不逐流年去。舊事而今誰共語。畫樓空指行雲處。

又（三月上巳應制）

御柳風柔春正暖。紫殿朱樓。赫奕祥光遠。十二玉龍迎鳳輦。香騰錦繡聞絃管。扇卻雙鸞開  
寶宴。綠繞紅圍宣勸金卮滿。萬歲千秋流龍眷。此身欲備昭陽燕。

隔浦蓮（詠白蓮）

涼秋湖上。過雨作意回商素。暗綠翻輕蓋。蕭然姑射儔侶。妝臉宜淡佇。紅衣妬。步機淩波去。  
異香度。天教占斷。風汀月浦。煙渚纖塵不到。夢繞玉壺清處。多少芳心待怨訴。無語飛來一片  
鷗鷺。

浪淘沙（觀潮作）

一線海門來。雪噴雲開。崑山移玉下瑤臺。捲地西風吹不斷。直到蓬萊。羯鼓噪春雷。鼉舞蛟  
回。歌樓鼓吹夕陽催。今古清愁流不盡。都一尊罍。

暮山溪（坤寧殿得旨次韻。賦照水梅花）

催花小雨。輕把香塵洒。簾捲水亭風。梅影轉、夕陽初下。靚妝窺鑑。鴛鴦滿清漪。浮暗麝。翦芳瓊。消得連城價。玉樓十二。寒怯銖衣掛。曾是綠華仙。眷餘情、新詞如畫。花隨人聖。須信世無雙。騰鳳吹。駐鸞輦。堪與瑤池亞。

又（暮秋賞梨花）

凋紅減翠。正是清秋杪。深院嬾香風。看梨花、一枝開早。瓏璚映面。依約認嬌顰。天淡淡。月溶溶。春意知多少。清明池館。芳信年年好。更向五侯家。把江梅、風光占了。休教寂寞。辜負向人心。檀板響。寶杯傾。潘鬢從他老。

感皇恩（重到臨安）

依舊惜春心。花枝常好。只恐尊前被花笑。少年青鬢。耐得幾番重到。舊歡重記省。如天杳。綺陌青門。斜陽芳草。今古銷沈送人老。帝城春事。又是等閑來了。亂紅隨過雨。鶯聲悄。

阮郎歸

（上苑初夏侍宴池上。雙飛新燕。掠水而去。得旨賦之。）

柳陰庭館占風光。呢喃清晝長。碧波新漲小池塘。雙雙蹴水忙。萍散漫。絮飄颺。輕盈體態狂。爲憐流去落紅香。銜將歸畫梁。

鷓鴣天

（選德殿賞燈。先宴梅堂。侍兩宮沾醉。口占。）

龍馭親迎玉輦來。江梅枝上雪培堆。東風上苑春光到。更放金蓮匝地開。騰鳳吹。進瑤杯。兩

宮交勸正歡諧。父慈子孝從今數。準擬開筵一萬迴。

又（奉和伯可耶中席上見贈）

桃李飄零春已深。可憐輕負惜花心。尊前賴有紅千疊。窗外休驚綠滿林。燈灼灼。醉沈沈。笙歌叢裏酒頻斟。留歡且莫匆匆去。悵望春歸何處尋。

又（丁堂淨惠師示予寒食感懷二闕因次其韻）

每上春泥向曉乾。花間幽鳥舞翩翩。年華不管人將老。門外東風依舊寒。投簪易。息機難。鹿門歸路不曾關。羨君早覺無生法。識破南柯一夢閒。

又

故鄉寒食醉醺顏。鞦韆綵索眩爛斑。如今頭上灰三斗。贏得疎慵到處閑。鍾已動。漏將殘。浮生猶恨別離難。饒湯轉作清涼地。只在人心那樣看。

定風波（應制聽琵琶作）

捍撥金泥雅製新。紫檀槽映小腰身。姮娥雛鵲相對語。欣覩上林花底暖生春。颯颯胡沙飛。指下休訝一般奇絕。稱精神。向道曲終多少意。須記。昭陽殿裏舊承恩。

又（賞牡丹席上走筆）

上苑穠芳初雨晴。香風嫋嫋泛軒楹。猶記洛陽開小宴。嬌面粉光依約認傾城。流落江南重。

此會相對金蕉蘸甲十分傾。怕見人間春更好。向道如今老去尙多情。

又（題續宅江樓）

極目秋光夕照開。潮頭初自海門來。杳杳江天橫一線。如練。疾驅千騎鼓聲催。  
傑檻翠飛爭徙倚。□□一行新雁去。仍迴翠袖半空歌笑迴。低映。十分沈醉勸金杯。

又

天語丁寧對未央。少攄素志向荆襄。烜赫家聲今不墜。英偉。風姿颯爽紫髯郎。  
別酒一杯君莫阻。□□燭前粉豔儼成行。領略大隄花好處。無緒。也應回首水雲鄉。

南子卿（文叔開尊席上作。花庵作別意）

霜月晚雲收。蕭瑟西風滿院秋。雅會難期嗟易散。遲留。把酒聽歌且勸酬。  
萬事拚悠悠。只有情親意未休。後夜扁舟煙浪裏。回頭。葉葉丹楓總是愁。

憶秦娥

晴空碧。吳山染就丹青色。丹青色。西風搖落。可堪淒惻。  
世情冷暖君應識。鬢邊各自侵尋白。侵尋白。江南江北。幾時歸得。

又

西風節。碧雲捲盡秋宵月。秋宵月。關河千里。照人離別。  
尊前俱是天涯客。那堪三載遙相憶。

遙相憶。年光依舊。漸成華髮。

又（賞雪席上）

暮雲疊。小亭帶雪。樹醺醺。樹醺醺。一聲羌管。落梅款款。舞衣旋趁霓裳曲。倚闌相對人如玉。人如玉。錦屏羅幌。看成不足。

又

正飛雪。園林一樣梨花白。梨花白。畫堂簾捲。暖生春色。嵇康轉軸聲幽噎。新來多病嬌無力。嬌無力。淺紅轉黛。自然標格。

又（邯鄲道上望叢臺有感）

風蕭瑟。邯鄲古道傷行客。傷行客。繁華一瞬。不堪思憶。叢臺歌舞無消息。金尊玉管空陳跡。空陳跡。連天草樹。暮雲凝碧。

鵲橋仙（同舍郎載酒見過醉後作）

菊花小摘。西風斜照。簾影輕籠暝色。玉尊側倒。莫辭空滿。座賓朋。□弁側。鄉邦萬里。北來年少。幾箇如今在得。扶頭一任且留連。歎人世。光陰半百。

清平樂

松姿不老。獨立蓬萊杪。風捲流蘇香霧曉。又是江梅開了。丹青早畫麒麟。貂蟬自屬王門。閑

道碧桃花綻。一枝枝。祝千春。

長相思

清夜長。泛玉觴。照座江梅花正芳。風傳細細香。圍豔妝。留醉鄉。一曲清歌聲繞梁。尊前人斷腸。

虞美人（中秋前兩夜作）

芙蓉池畔都開遍。又是西風晚。露天碧淨暝雲收。漸看一輪冰魄冷懸秋。閩山層疊迷歸路。把酒寬愁緒。舊歡新恨幾淒涼。暗想瀛洲何處夢悠揚。

採桑子（清明）

清明池館晴還雨。綠漲溶溶。花裏遊蜂。宿粉棲香錦繡中。玉簫聲斷人何處。依舊春風。萬點愁紅。亂逐煙波總向東。

朝中措（趙知閣生日）

畫堂簾捲獸香濃。花上雪玲瓏。平地十洲三島。蟠桃已試春紅。清朝舊德。仙姿難老。主眷方隆。爛醉笙歌叢裏。年年先占春風。

又（山父賞牡丹酒半作）

畫堂闌檻占韶光。端不負年芳。依倚東風向曉。數行濃淡仙妝。停杯醉折。多情多恨。冶豔真。

香只恐去爲雲雨夢魂時惱襄王。

又

金沙架上日璵璠。濃綠襯輕紅。花下兩行紅袖，直疑春在壺中。濃無限，少年心緒，從教醉倒東風。

如今尙覺惜花愛酒，依舊情

又

休論社燕與秋鴻。時節太匆匆。海上一番微雨，朱門濃綠陰中。容莫問，鶯花俱老，今朝猶是春風。

主人情厚，金杯滿泛，且共從

又

西湖南北舊遊空。誰料一尊同。回首四年間事，渾如飛絮濛濛。容惟有，朱顏綠鬢，暗隨流水常東。

林花謝了，明年春到，依舊芳

又（席上贈南釗翟守）

雙溪樓上凭闌時。潑灑泛金卮。醉倒鬧花深處，歌聲遏住雲飛。姿行奉，紫泥褒詔，要看擊浪天池。

風流太守，鸞臺家世，玉鑑丰

又（維揚感懷）

雕車南陌碾香塵。一夢尙如新。回首舊遊何在，柳煙花霧迷春。

如今霜鬢，愁停短棹，懶傍清

尊二十四橋風月。尋思只有消魂。

又（同前代御帶作）

功名雖未壓英游。一種舊風流。人世百年須到。如今七十春秋。當時帷幄，貂璫貴重，譽滿朋儔。贏得尊前沈醉。浮華付去悠悠。

南柯子（元夜書事）

璧月窺紅粉。金蓮映綵山。東風絲管滿長安。移下十洲三島在人間。兩兩人初散。厭厭夜向闌。倦妝殘。醉怯輕寒。手撚玉梅無緒倚闌干。

又（次韻南劍趙倅）

粉黛娉婷豔。芝蘭笑語香。延平春色鬪芬芳。不管清宵更漏聽霓裳。燭暗人方醉。杯傳意更長。可堪羈客九迴腸。蕭瑟一簷風雨過橫塘。

又（將出行。陸丈知府置酒出姬侍酒。半索詞）

綠蔭侵簷淨。紅榴照眼明。主人開宴出傾城。正是雨餘天氣暑風清。別酒殷勤意。危絃要妙聲。年年相見豈無情。後日暮雲回首奈乘行。

又（浩然與予同生己丑歲。月日時皆同。秋日見席上出新詞。且命小姬歌以侑觴。次韻奉酬）

共稟陰陽數。誰知造化工。安閑百計總輸公。掩映芙蓉花徑郡城東。風月三秋興。尊罍一笑

同新詞佳麗見情通。更喚雪兒低唱慰衰容。

玉樓春（雪中無酒清坐寒冷承觀使太尉與賓客酬唱謹和）

江天暝色傷心目。凍鵲爭投林下竹。四垂雲幕一襟寒。片片飛花輕鏤玉。美人試按新翻曲。點破舞裙春草綠。融尊側倒也思量。清坐有人寒起粟。

江神子（贈章濂道）

故人情分轉綢繆。小窗幽。話離愁。海闊天遙鴻雁兩悠悠。今日相逢誰較健。應怪我。鬢先秋。功名淅米在刀頭。壯心休。弊貂裘。何事留歡不竟漾扁舟。桃李春風將近也。如後會。醉青樓。

踏莎行（和材甫聽琵琶作）

鳳翼雙雙金泥細細。四絃斜抱攏纖指。紫檀香暖轉春雷。嘈嘈切切聲相繼。弱柳腰枝輕雲情思曲中多少風流事。紅牙拍碎少年心。可憐辜負尊前意。

生查子

溫柔鄉內人。翠微閣中女。顏笑洛陽花。肌瑩荆山玉。東君深有情。解與爲花主。移傍楚峯居。容易爲雲雨。

青玉案

蒲葵佳節初經雨。正闌檻薰風度。滿泛香蒲斟醪醕。故人情厚。豔歌嬌舞。總是留賓處。榴花

照眼江天暮。醉裏春情蕩輕絮。豈止捲簾通一顧。今宵酒醒。一襟風露。夢指高唐去。

又

乘鸞影裏冰輪度。秋空淨南樓暮。嫋嫋天風吹玉兔。今宵只在舊時圓處。往事難重數。天涯幾見新霜露。怎得朱顏舊如故。對酒臨風。傭作賦。藍橋煙浪。故人千里。夢也無由做。

菩薩蠻（次韻龍深甫春日即事）

杏花寒食佳期近。一簾煙雨。琴書潤砌下水潺潺。玉笙吹暮寒。陽臺雲易散。往事尋思嬾。花底醉相扶。常時人在無。

又

雲煙漠漠秋容老。茅簷映水人家好。林葉未凋疎。遠山橫有無。平生耕釣事。若箇安身是。勸君早歸來。碧香新甕開。

西江月（元夕醉中走筆）

煥爛蓮燈高下。參差梅影橫斜。凭闌一目盡天涯。雪月交輝清夜。莫惜柔荑勸酒。從教醉臉紅霞。爛銀宮闕對仙家。一段風光如畫。

又

桂苑旋生涼思。銀河左界秋高。纖塵不動滿清霄。皓月照人偏好。詩爲情多却減。酒因愁裏

難銷一聲羌管夢魂勞。可惜風光虛老。

又

醉伴三千珠履。如登十二瓊樓。壺天澄爽露華秋。灩灩金波醺酒。羅扇不隨恩在。佳時須要人酬。麒麟閣畫爲誰留。只見浮生白首。

繡帶兒（客路見梅）

瀟瀟隴頭春。取次一枝新。還是東風來也。猶作未歸人。微月淡煙村。漫佇立惆悵黃昏。暮寒香細疎英幾點。儘奈銷魂。

卜算子

（湖州塘牆吳氏女。失身于土山張氏作妾。）

數盡萬般花。不比梅花韻。雪壓風欺恁地寒。剗地清香噴。半醉折歸來。插向烏雲鬢。不是愁人悶帶花。花帶愁人悶。

柳梢青（詠海棠）

雨過風微。溫泉浴倦。妃子妝遲。翠袖牽雲。朱唇得酒。臉暈臙脂。年年海燕新歸。怎奈向黃昏。恁時倚徧瓊干。燒殘銀燭。花又爭知。

又（春祺錫宴）

□杏堂前。清深窗外。宛似蓬瀛。珠翠分行。笙歌爭奏。音韻清新。玉皇金母情親。勸醪醕更酬。

嗣君地久天長。花朝月夕。天上長春。

又

小宴清秋。霎時見了。雨散雲收。柳絮輕柔。梅花閑澹。宮院風流。空教夢繞青樓。待說箇相思。又休。無奈情何不來眼底。常在心頭。

醉落魄

情深恨切。憶伊誚沒些休歇。百般做處百廝慙。管是前生。曾負你冤業。臨歧不忍匆匆別。兩行珠淚流紅頰。關山漸遠音書絕。一個心腸兩處對風月。

鵲橋仙

嬌波媚靨。尊前席上。只是尋常梳裹。溫柔伶俐。總天然。沒半摺教人看破。從來可憖癡迷著。相百計消除。不過煙花。不是不曾經。放不下。唯他一箇。

清平樂

豔苞初拆。偏借東君力。上苑梨花風露溼。新染胭脂顏色。玉人小立簾櫳。輕勻媚臉妝紅。斜插一枝雲鬢。看誰剩□春風。

訴衷情

閑窗靜院漏聲長。金鴨冷殘香。幾番夢回枕上。飛絮恨悠揚。身在此。意伊行。噉思量。不言不

語幾許閑情。月上回廊。

浣溪沙（櫻桃）

穀雨郊園喜弄晴。滿林璀璨綴繁星。筠籃新採絳珠傾。  
樊素扇邊歌未發。葛洪爐內藥初成。  
金盤乳酪齒流冰。

壺中天慢（此進御月詞也。上皇大喜曰：從來月詞不曾用金甌事，可謂新奇。賜金束帶紫番羅水晶盃，上亦

賜寶盞，至一更五點還宮，是夜四興亦聞天樂焉。）

素颺漾碧。看天衢穩送，一輪明月。翠水瀾壺人不到，比似世間秋別。玉手瑤笙，一時同色。小按霓裳疊。天津橋上，有人偷記新闕。常日誰幻銀橋。阿瞞兒戲，一笑成癡絕。肯信羣仙高宴處，移下水晶宮闕。雲海塵清，山河影滿，桂冷吹香雪。何勞玉斧，金甌千古無缺。

海野詞終

# 海野詞跋

純甫與龍大淵同爲建王內知客。孝宗以二人皆潛邸舊人。觴詠唱酬。字而不名。怙寵恃勢。純甫尤甚。故陳俊卿虞允文輩交章逐之。然文采頗有可觀。如過京師望叢臺諸作。語多感慨。令人有麥秀黍離之悲。與張掄不時賦詞進御。賞賚甚渥。至進月詞。一夕西興共聞天樂。豈天神亦不以人廢言耶。湖南毛晉識。